

I3 BELZEC (PL)

Le anglune deportacije kata l' Ğom taj Sinti ande Poljska ankêrdile ando aprilo 1940; 2,500 njamcoskê Ğom taj Sinti angêrdile ande l' logorja ande poljskakê cîne forur Belzec, Krychów taj Siedlce. Le manuš kata la bućako logoro Belzec sas te kêren konstrukcijakê buća pe granica kataj Sovjetoskî Unija. Kako bućako logoro phandadilo ando bêš 1940. But Sinti žangle te našên taj zumade te preživin ande l' vêša, numa kote astarde len pale le njamcongi policija taj le kêtani. Le maj bute deportirime njamcickone Ğomen taj Sinton mundarde len vuni bêš palal ande Poljska. Ande l' bêš 1942 taj 1943 ankêrdja e SS ando foro Belzec jeg baro mundarimasko logoro, savo sas kotor kataj „Aktion Reinhardt“.



1910

1951

1940

💡 Žanglen tumen

...kê e SS ankêrelas ando ramo kata e „Aktion Reinhardt“ bare mundarimaskê logorja ande l' forur Belzec, Sobibór taj Treblinka, ande lende mundarde 2,4 milionur jevrejon taj 50.000 Ğomen taj Sinton maškar le bêš 1942 taj 1943?

...kê le njamcongi administracija akharêlas le manušengê deportacije ande l' KZ-ura taj ande l' mundarimaskê logorja „munčimos“?

✍ Tumari bući

So gîndin tumen, sostar hazninas le naci le svatur „munčimos“ taj „Endlösung“? Save aver eksemplur peren tume godjate?

📷 Paj fotografija

Deportirime Ğom ando logoro Belzec ando bêš 1940. Kote musaj sas te vazden milaje le logoroskê barakê. Deutsches Bundesarchiv Koblenz/Deutschland.



<https://www.romasintigenocide.eu/kalderasch/i>